


ACTA APOSTOLICAE SEDIS

COMMENTARIUM OFFICIALE

AN. ET VOL. LX



TYPIS POLYGLOTTIS VATICANIS
M-DCCCC-LXVIII

ACTA COMMISSIONUM**COMMISSIO CENTRALIS COORDINANDIS
POST CONCILIUM LABORIBUS
ET CONCILII DECRETIS INTERPRETANDIS****I****DUBIUM**

I. Utrum locutio latina « Sacra Synodus declarat nihil obstare », de qua in n. 10, § 2 Decreti Ss. Concilii Oecumenici Vaticani II *Perfectae caritatis*, implicet positivam commendationem eorum quae sequuntur :

an potius manifestet meram possibilitatem pro omnibus Institutis laicalibus initiandi aliquos sodales sacris ordinibus, dictis sub condicionibus.

II. Utrum in citato textu conciliari contineatur explicita agnitio iuris Capitulo Generali cuiusque Instituti proprii cognoscendi de opportunitate utendi facultate de qua supra agitur, an non.

Commissio Centralis coordinandis post Concilium laboribus et Concilii Decretis interpretandis, re mature perpensa in Coetu, die 24 mensis maii 1966 habito, respondendum esse censuit :

Ad I^{um} NEGATIVE ad primam partem ; AFFIRMATIVE ad secundam seu : illam locutionem dicit tantum simplicem possibilitatem, pro omnibus Institutis laicalibus, initiandi aliquos sodales sacris ordinibus.

Ad II^{um} AFFIRMATIVE ad primam partem ; NEGATIVE ad secundam seu : Capitulo Generali cuiusque Instituti ius esse cognoscendi de opportunitate utendi facultate de qua ad secundam partem primi dubii, servatis de iure servandis.

Ssmus Dominus Noster Paulus Pp. VI in Audientia die 10 februarii 1966 infrascripto impertita hanc decisionem ratam habuit et adprobavit.

& HAMLETUS I. Card. CICOGNANI
a publicis Ecclesiae negotiis

II
DUBIUM

Utrum potestas legislativa quae, ad normam Decreti Ss. Concilii Oecumenici Vaticani II *Christus Dominus*, n. 38, § 4, intra certos limites tribuitur Conferentiis Episcoporum, delegari possit Commissionibus episcopalibus quae ab ipsis Conferentiis constituuntur.

Commissio Centralis coordinandis post Concilium laboribus et Concilii Decretis interpretandis, re mature perpensa in Coetu, die 24 mensis maii 1966 habito, respondendum censuit : NEGATIVE.

Ssmus Dominus Noster Paulus Pp. VI in Audientia die 10 iunii 1966 infrascripto impertita hanc decisionem ratam habuit et adprobavit.

86 HAMLETUS I. Card. CICOGNANI
a publicis Ecclesiae negotiis

**PONTIFICIA COMMISSIO
DECRETIS CONCILII VATICANI II
INTERPRETANDIS**

1

RESPONSA AD PROPOSITA DUBIA

Patres Pontificiae Commissionis Decretis Concilii Vaticani II interpretandis, propositis in plenario coetu quae sequuntur dubiis, respondendum esse censuerunt ut infra ad singula:

I.

De Conferentiis Episcopalibus

D. Utrum, post Decretum conciliare *Christus Dominus*, diei 28 octobris 1965, et M. P. *Ecclesiae Sanctae*, diei 6 augusti 1966, quibus de Conferentiis Episcopalibus decernitur, adhuc in vigore maneant normae quae de coetibus episcopalibus nationalibus vel territorialibus a

Constitutione *Sacrosanctum Concilium*, diei 4 decembris 1963, M. P. *Sacram Liturgiam*, diei 25 ianuarii 1964, et Instructione *Inter oecumenici*, diei 26 septembris 1964, 'interim' statuuntur.

R. Negative.

II.

De Beneficiis conferendis iis qui caractère episcopali ornantur

D. Utrum, ad normam n. 18, § 1 Litterarum Apostolicarum *Ecclesiae Sanctae*, diei 6 augusti 1966, adhuc requiratur licentia Sedis Apostolicae pro collatione beneficii non consistoralis illi qui dignitate episcopali sit auctus, iuxta praxim hucusque vigentem.

R. Affirmative: non agitur enim de reservatione de qua in citatis Litteris Apostolicis, n. 18, § 1.

III.

*De capite VI, 21 Constitutionis dogmaticae
de Divina Revelatione « Dei Verbum »*

D. Utrum in verbis « Divinas Scripturas sicut et ipsum Corpus dominicum semper venerata est Ecclesia, cum, maxime in Sacra Liturgia, non desinat ex mensa tam verbi Dei quam Corporis Christi panem vitae sumere atque fidelibus porrigere », Constitutionis dogmaticae de Divina Revelatione *Dei Verbum*, adverbium 'sicut' significare valeat eandem esse seu aequalem venerationem Sacrae Scripturae debitam ac venerationem debitam Ss. Eucharistiae.

R. Venerationem esse tribuendam tum Sacrae Scripturae, tum Corpori dominico, diverso tamen modo seu ratione, uti eruitur ex Constitutione de Sacra Liturgia *Sacrosanctum Concilium*, n. 7; Litteris Encyclicis *Mysterium Fidei*, diei 3 sept. 1965: A.A.S. 57 (1965), p. 764; Instructione S.R.C, diei 25 maii 1967 *Eucharisticum Mysterium*, n. 9: A.A.S. 59 (1967), p. 547.

Ssmus Dominus Noster Paulus Pp. VI in Audientia die 5 februarii 1968 infrascripto impertita supradictas decisiones ratas habuit, adprobavit et publicari iussit.

P. Card. FELICI, *Praeses*

2

RESPONSUM AD PROPOSITUM DUBIUM

Patres Pontificiae Commissionis Decretis Concilii Vaticani II interpretandis, proposito in plenario coetu quod sequitur dubio, respondendum esse censuerunt ut infra :

D. - Utrum Diaconus, qui in hoc gradu non maneat sed ad Sacerdotium ascendere velit, ea habeat munera quae recensentur sub n. 29 Constitutionis dogmaticae de Ecclesia *Lumen Gentium*, diei 21 novembris 1964, et sub n. 22 Litterarum Apostolicarum *Sacrum Diaconatus ordinem*, diei 18 iunii 1967.

R. - Affirmative.


SSmus Dominus Noster Paulus Pp. VI in Audientia die 26 Martii 1968 infrascripto impertita supradictam decisionem ratam habuit, adprobavit et publicari iussit.

P. Card. FELICI, *Praeses*

ACTA APOSTOLICAE SEDIS

COMMENTARIUM OFFICIALE

AN. ET VOL. LXXII



TYPIS POLYGLOTTIS VATICANIS
M-DCCCC-LXXX

III

{de potestate episcoporum conferentiae et commissionis episcopalis}

D. - Utrum potestas normas generales emittendi, de qua in prima parte n. 172 Instructionis pastoralis *Communio et Progressio*, editae «die 23 maii 1971 a Pontificio Consilio Instrumentis Communicationis Socialis praeposito intellegi debeat concessa Conferentiae episcoporum Nationis, an Commissioni episcopali iisdem instrumentis communicationis socialis praepositae.

B. - *Affirmative ad primam partem; Negative ad secundam*, id est potestas de qua agitur pertinet ad episcoporum Conferentiam ad normam n. 38, 4 Decreti conciliaris *Christus Dominus* prout iam declaratum fuit a *Commissione Centrali coordinandis post Concilium laboribus et Concilii decretis interpretandis* die 10 iunii 1966¹ et ab hac Commissione die 5 februarii 1968.²

Ss.mus Dominus Noster Ioannes Paulus Pp. II in Audientia die 21 decembris 1979 infrascripto impertita, supradictas decisiones ratas habuit, adprobavit et publicari iussit.

PERICLES Card. FELICI, Praeses

¹ *AAS* 60 (1968), p. 361.

² *Ib.*, 362.